



Siverth K. Heilmann

UKA 2022/120-1

Atassut

29. September 2022

Uunga siunnersuut: Nunaoil A/S pillugu Inatsisartut inatsisaata atorunnaarsinneqarnera pillugu Inatsisartut inatsisaat.

(Aatsitassanut Inatsisillu Atuutsinneqarnerannut Naalakkersuisoqarfimmut Naalakkersuisuni ilaasortaq)

Ukiorpaalussuit matuma siornagulli pingaartumik imartatsinni sajuppillatsitsilluni misissuisarnerni aallaavigalugit piffiit ilaanni suliffeqarfissuit nunatta avataaneersut, uuliaqarsinnaaneraniq qalluisoqarsinnaaneraniq aningaasarsiorfigisinnaasatsinnillu isumalluartsinerat angisimaqaaq.

Ilisimaneqartutuummi Naalakkersuisut saqqummiussaqaqarnerattuut Nunaoil A/S Inatsisartut inatsisaat nr. 15, 7. december 2009-meersoq atorunnaarsinneqarnissamik imalimmik saqqummiussaqaqarput. Tamanna Naalakkersuisut ulloq 24. juni 2021 ikummatissiasanut akuersissutinik tunineqarnissamik qinnuteqaateqaqqusinissaq (neqeroortitsineq) taamaatinneqarnissaanik aalajangersimanerannik tunngaveqartinneqarpoq.

Nunarput aalisarneq inuussutissarsiutitta pingaarnersarigaluaaraat taamaattoq saniatigut allamik ataavartumillu aningaasarsiorfeqarnissarput pingaartinneqartarpoq. Nassuerutigisariaqarparpulli politikikkut innuttaasullu akornanni assigiinngitsutigut, imartarujussuarput mingutsinneqarsinnaanera isummersornerni annertuumik ernumatigineqartarpoq.

Ilisimaneqareerpoq takussutissaqarlunilu, Nunatta imartaani nunamilumi uuliamik seerisoqartarnera, taamaattumillu nunani allanisuulli nunarput annertuumik uuliaqarsinnaanera ilimagineqarluarsimavoq. Unitsitsisimanerullu kingunerisaanik Nunaoil A/S ingerlaannarnissaanik tunngavissaaruppoq.

Taamaattumik Naalakkersuisut qulequtarineqartumut atorunnaarsitsinissamullu inatsisartunut inassuteqarnerat ATASSUT-miit tunngaviatigut isumaqatigaarput. Taamatullu isikkoqartillugu suliap ingerlaqqinnissaanut akuersaarluta. Amerlanerussuteqartunilli aappassaaneerinissaq sioqqullugu ataatsimiititalimi ingerlaqqaarsinnaanera ammaffigalutigu.

Qujanaq.